



АЛМАТЫ ҚАЛАСЫНЫҢ  
БАС МЕМЛЕКЕТТІК  
САНИТАРИЯЛЫҚ ДӘРІГЕРІ

ҚАУЛЫСЫ

05.06.2021 ж.

Алматы қаласы

ГЛАВНЫЙ ГОСУДАРСТВЕННЫЙ  
САНИТАРНЫЙ ВРАЧ  
ГОРОДА АЛМАТЫ

ПОСТАНОВЛЕНИЕ

№ 17

город Алматы

**Алматы қаласының аумағында  
коронавирустық инфекция  
таралуының алдын алу жөніндегі  
одан әрі шаралар туралы**

Алматы қаласының тұрғындары арасында коронавирустық инфекцияның таралуының алдын алу мақсатында **ҚАУЛЫ ЕТЕМІН:**

1. Аудан әкімдері, мемлекеттік органдар, құқық қорғау және арнайы органдар, «Атамекен» ӨКП, мекеме басшылары қамтамасыз етсін:

1) Қазақстан Республикасының Бас мемлекеттік санитариялық дәрігерінің 2021 жылғы 30 сәуірдегі № 17 қаулысындағы 6-қосымшаға сәйкес, ағымдағы жылдың 08 маусымнан бастап «сары» аймақ режимі бойынша «ASHYQ» жобасына қатыспайтын әлеуметтік-экономикалық объектілердің жұмысына шектеулер мен рұқсаттардың іске асырылуын;

2) Қазақстан Республикасының Бас мемлекеттік санитариялық дәрігерінің 2021 жылғы 3 маусымдағы № 26 қаулысындағы 4-қосымшаға сәйкес, ағымдағы жылдың 08 маусымнан бастап «сары» аймақ режимі бойынша «ASHYQ» жобасына қатысатын әлеуметтік-экономикалық объектілердің жұмысына шектеулер мен рұқсаттардың іске асырылуын;

3) Қазақстан Республикасының Бас мемлекеттік санитариялық дәрігерінің 2021 жылғы 30 сәуірдегі №19 «Қазақстан Республикасына

Үндістаннан коронавирустық инфекцияның әкелінуінің алдын алу жөніндегі шараларды күшейту туралы» және 2021 жылғы 16 мамырдағы №21 «Қазақстан Республикасына Мальдив аралдарынан коронавирустық инфекцияның әкелінуінің алдын алу жөніндегі шараларды күшейту туралы» қаулыларының орындалуын;

4) Қазақстан Республикасының Бас мемлекеттік санитариялық дәрігерінің 2021 жылғы 06 мамырдағы № 20, 2021 жылғы 26 мамырдағы № 24, 2021 жылғы 03 маусымдағы № 25 қаулыларымен Қазақстан Республикасының Бас мемлекеттік санитариялық дәрігерінің 2020 жылғы 23 қазандағы № 59, 2020 жылғы 25 желтоқсандағы № 67, 2020 жылғы 25 желтоқсандағы №68, 2021 жылғы 27 қаңтардағы №3, 2021 жылғы 30 сәуірдегі №19 қаулыларына енгізілген өзгерістер мен толықтыруларды және Қазақстан Республикасы Бас мемлекеттік санитариялық дәрігерінің 22.05.2021 ж. №22 қаулысының іске асырылуын;

5) Қазақстан Республикасының Бас мемлекеттік санитариялық дәрігерінің 2021 жылғы 30 сәуірдегі №17 қаулысымен Қазақстан Республикасының Бас мемлекеттік санитариялық дәрігерінің қаулысына енгізілген өзгерістер мен толықтырулардың орындалуын;

6) 2020-2021 оқу жылының соңына дейін ТжКББ, ЖОО-ның студенттері мен жалпы білім беретін мектеп оқушыларын қашықтықтан оқыту форматы. Ата-аналардың өтініштері бойынша 1-ден 5-сыныптарды қоса алғанда (халықаралық мектептерде 1-ден 7-сыныптарды қоса алғанда), 15 адамға дейінгі балалар саны бар 9 және 11 (12) сыныптардағы кезекші сыныптарға рұқсат етілсін;

7) COVID-19-ға қарсы вакцинацияның толық курсы алғаны туралы құжаттық растамасы бар және соңғы 6 айда КВИ-мен ауырып жазылған адамдарды қоспағанда, мемлекеттік органдардың қызметкерлерін (әкімдіктердің және олардың құрылымдық бөлімшелерінің, мониторингтік топтардың мүшелерін, прокуратураның, полицияның, Алматы қаласы ТЖД мен аудандық бөлімшелердің, сыбайлас жемқорлыққа қарсы қызметтің, ұлттық қауіпсіздіктің, соттардың, санитариялық - эпидемиологиялық қызметтің, әлеуметтік қорғаудың), сондай-ақ сондай-ақ волонтерлер мен мүгедектерге күтім жасайтын әлеуметтік қызметкерлер (әкімдіктердің ұсынған тізімдеріне сәйкес), мәйітхана және сот-медициналық сараптама қызметкерлерін ай сайын 1 рет профилактикалық мақсатта ПТР зертханалық тексеру;

8) жеке және ұйымдасқан топтар үшін ерекше қорғалатын табиғи аумақтарда (мемлекеттік, ұлттық табиғи парктерде, қорықтарда,

резерваттарда және басқаларда) 15 адамнан аспай, маска режимін және 1,5 метрден кем емес қашықтықты сақтай отырып болуға рұқсат беруді;

9) қаланың тыныс-тіршілігін қамтамасыз ету объектілері мен шұғыл жағдайларды қоспағанда, күндізгі режимде кенестер (отырыстар) өткізуге тыйым салуды;

10) осы қаулының 1-қосымшасына сәйкес шектеу іс-шараларын енгізу кезеңіндегі студенттер жатақханаларының жұмыс режимін;

11) халықтың қоғамдық орындарға (оның ішінде қалалық қоғамдық көлікте жол жүруі кезінде) және қызметіне рұқсат етілген объектілерге бару кезінде, сондай-ақ қоғамдық орындарда ашық ауада болған кезде (5 жасқа дейінгі балаларды қоспағанда және ашық ауада спортпен шұғылдану кезінде) бетперде кию, әлеуметтік қашықтықты және антисептик пайдалану жөніндегі талаптарды сақтауын;

12) қызметі рұқсат етілмеген объектілерге баруға тыйым салуды;

13) жаяу жүргіншілердің Жібек Жолы даңғылында Абылай хан көшесінен Назарбаев даңғылына дейін демалыс күндері сағат 19.00-ден бастап жүруіне тыйым салынсын;

14) «Бөбек» Ұлттық ғылыми-практикалық білім беру және сауықтыру орталығы» РМҚК қызметіне рұқсат беруді;

15) арнайы, мамандандырылған ұйымдардың, ерекше білім берілуіне қажеттілігі бар балаларға арналған арнайы мектеп-интернаттардың (оның ішінде ата-анасының қамқорлығынсыз қалған жетім балаларға арналған), жалпы үлгідегі мектеп-интернаттардың, дарынды балаларға арналған мектеп-интернаттардың қызметіне рұқсат беруді;

16) қоғамдық көлікке, таксиге, метроға, әуежайларға, т/ж және авто - вокзалдарға, аула балалар алаңдарына, азық-түлік және азық-түлік емес базарларға және басқа да қоғамдық орындарға санитариялық және дезинфекциялық өңдеу жүргізуді;

17) білім мекемелеріндегі қоғамдық тамақтану объектілерінің қызметіне тыйым салу.

2. Алматы қаласының тұрғын үй саясаты басқармасы аулалық және квартал ішіндегі балалар ойын алаңдарын, коронавирустық инфекцияның белсенді ошақтары бар үйлердегі кіреберістер мен лифтілерді күнделікті профилактикалық дезинфекциялауды қамтамасыз етсін.

3. Қазақстан Республикасы Денсаулық сақтау министрлігі Санитариялық-эпидемиологиялық бақылау комитетінің «Ұлттық сараптама орталығы» ШЖҚ РМК «Алматы қаласы бойынша дезинфекция орталығы» филиалы коронавирустық инфекция ошақтарында лифтілерді, баспалдақ

алаңдарын және лифтіге дейін және лифтіден кіреберістен шығуға дейінгі аумақты қамти отырып қорытынды дезинфекциялауды қамтамасыз етсін; лифт болмаған жағдайда - КВИ-мен ауыратын науқастың пәтерінен кіреберістен шығуға дейінгі баспалдақ алаңдары мен аумақтарды 1 рет дезинфекциялау.

4. Алматы қаласының Бас мемлекеттік санитариялық дәрігерінің «Алматы қаласында коронавирустық инфекция таралуын шектеу жөніндегі шараларды күшейту туралы» 2021 жылғы 02 сәуірдегі №15, «Алматы қаласының Бас мемлекеттік санитариялық дәрігерінің 02.04.2021 жылғы №15 қаулысына өзгерістер мен толықтырулар енгізу туралы» 2021 жылғы 23 сәуірдегі №16 қаулыларының күші жойылды деп танылсын.

5. Осы қаулының орындалуын бақылауды өзіме қалдырамын.

6. Осы қаулы 2021 жылдың 8 маусымынан бастап күшіне енеді.

**Алматы қаласының  
Бас мемлекеттік  
санитариялық дәрігері**

**Ж. Бекшин**



Алматы қаласының  
Бас мемлекеттік санитариялық  
дәрігерінің 2021 жылғы  
5 маусымдағы № 17 қаулысына  
1 қосымша

### **Шектеу іс-шараларын енгізу кезеңінде студенттік жатақханалардың жұмыс тәртібі алгоритмі**

1. Білім беру объектісі басшысының бұйрығымен шектеу іс-шараларын, оның ішінде COVID-19 бойынша карантин енгізу кезеңінде жатақханаларда профилактикалық және эпидемияға қарсы іс-шаралардың сақталуы, қызметкерлерге коронавирустық инфекцияның алдын алу мәселелері бойынша күнделікті нұсқама жүргізу үшін жауапты адам (медицина қызметкері) бекітілсін.

2. Денсаулық жағдайы туралы және жұқпалы аурулармен ауыратын науқастармен байланысының жоқтығы туралы медициналық анықтама болған жағдайда студенттерді жатақханаға орналастыруды жүзеге асыру.

3. Жіті респираторлық вирустық инфекция белгілері бар және температуралық адамдарды оқшаулау үшін жұмыс істеп тұрған медициналық оқшаулағыштардың болуын қамтамасыз ету.

4. Күшейтілген санитарлық-дезинфекциялық және бетперде режимін, тұрғындар арасындағы әлеуметтік қашықтықты сақтау және жатақханалардағы бөлмелерді 50%-ға дейін толтыру шартымен студенттердің жатақханаларда тұруын, студенттердің бөлмелерде 2 адамнан аспай тұруын қамтамасыз ету. ЖОО мен О ОО студенттерінің кемінде 80% COVID-19-ға қарсы вакцинациялаудың толық курсына алған жағдайда, жатақханалардағы бөлмелерді 100% - ға дейін толтыруға жол беріледі.

5. Жатақханаларда студенттердің кіру және шығу журналына тіркей отырып, белгіленген рұқсаттама режимін қамтамасыз ету, бөгде адамдардың жатақханаларға кіруіне жол берілмейді.

6. Барлық қызметкерлер мен студенттерді күнделікті сүзгіден өткізіп, дене температурасын өлшеп, денсаулық жағдайына сауалнама жүргізіп, журналға тіркеу. Сүзгіні жүргізу кезінде адамдардың көп жиналуын болдырмау және әлеуметтік қашықтықтың (кемінде 2 метр) сақталуын қамтамасыз ету.

7. Жедел респираторлық инфекциялар белгілері бар, COVID-19 және басқа да жұқпалы ауруларға күдікті қызметкерлер, студенттер анықталған жағдайда оларды медициналық изоляторға уақытша оқшаулауға, күндізгі уақытта - осы оқу орнына қызмет көрсететін учаскелік дәрігерді (немесе аумақтық емхананың ұтқыр тобының медицина қызметкерлерін), түнгі уақытта- жедел медициналық жәрдем дәрігерін шақыру.

8. Білім беру объектісінің әкімшілігі жатақханада аурудың симптомсыз және жеңіл нысандарымен COVID-19 ауыратын адамдарды және байланыста болған студенттерді оқшаулау үшін жеке сыртқа шығатын жолға ие (немесе оқшауланған қабат) үй-жайлардың жеке блогын ұйымдастырсын.

9. Қызметкерлердің, студенттердің жеке гигиенаны сақтауы үшін жағдай жасау (санитариялық тораптардың жұмыс істеуі, қол жууға арналған қолжуғыштардың, сабындардың, санитайзерлердің болуы). Санитариялық тораптарға жүйелі түрде дезинфекциялық өңдеу жүргізу, жинау құрал-жабдықтары өңдеу жүргізілгеннен кейін дезинфекциялануға жатады.

10. Термометрлердің, дезинфекциялау және жуу құралдарының, антисептиктердің, персоналға арналған жеке қорғаныш құралдарының (маскалар, қолғаптар) жеткілікті санының болуын қамтамасыз ету. Пайдаланылған ЖҚҚ-ны жинап шығару үшін арнайы бөлінген орындарда пакеттерге жүргізілсін, одан әрі қатты тұрмыстық қалдықтар ретінде мамандандырылған ұйымдармен әкетілсін.

11. Дезинфекциялау құралдарын дайындауды тиісті ЖҚҚ қолдана отырып, нұсқаулыққа сәйкес жақсы желдетілетін үй-жайда жүргізу керек. Техникалық персонал үшін дезинфекциялау құралдарын қолдану жөніндегі нұсқаулықты көрінетін жерге орналастыру қажет.

12. Желдету жүйелері мен ауаны баптау жүйелерінің жұмысын, үй-жайларды желдету режимін сақтауды қамтамасыз ету.

13. Дезинфекциялау құралдарын қолдана отырып, үй-жайларды үнемі ылғалды жинауды жүргізу, жалпы пайдалану орындарын қол жууға арналған құралдармен және антисептиктермен қамтамасыз ету.

14. Бірлескен тамақ ішуді болдырмау, жатақханда тұратын тұлғалар арасындағы байланысты шектеу.

15. Коронавирустық инфекцияның асимптоматикалық, жеңіл түрімен ауыратын студенттерге және байланыс студенттеріне изолятордың сыртқы есігіне дейін, жеке қорғаныс құралдарымен (респиратор, қолғап) қорғалған жауапты қызметкерлер (еріктілер) азық-түлік өнімдерін, басқа да қажетті жеке гигиена құралдарын байланыссыз жеткізуді ұйымдастырсын.

16. Жатақханаларда мәдени-бұқаралық, спорттық және өзге де іс-шараларды өткізуге жол бермеу.

17. Тәуекел топтарын ескере отырып, созылмалы аурулары бар студенттерге ерекше медициналық бақылауды қамтамасыз ету.

18. Қашықтықтан оқыту форматында оқу уақытында жатақханаларда тұратындар адамдар азық-түлік дүкендері мен дәріханалардан сатып алу үшін шығу жолдарын қоспағанда, тұрақты тұратын орындарына немесе өзге де орындарға баруына тыйым салу.

19. Студенттер қашықтықтан оқыту режимінде оқу уақытына жатақханадан уақытша шыққан кезде жазбаша, оның ішінде электрондық байланыс арқылы білім беру ұйымына жатақханадан шыққан уақытын, қайтып оралған уақытын және жіберілген орнын көрсете отырып хабарлайды.

20. Медициналық қызметкер жатақханадан шыққаннан кейін қайта оралған білім алушының денсаулық жағдайына қайта оралған күнінен бастап 14 күнтізбелік күн ішінде мониторинг жүргізеді.

21. Білім беру объектісінің басшысы тиісті студенттер мен қызметкерлерге коронавирустық инфекцияға қарсы вакцинациялауды ұйымдастыруға және жүргізуге жәрдем көрсетеді, олардың тізімін Т.А. Ә., туған күнін, ЖСН, үй мекенжайын, жұмыс, оқу орнын, факультетін, курсын көрсете отырып, аумақтық медициналық ұйымға (немесе студенттерге, қызметкерлерге медициналық қызмет көрсету орны бойынша медициналық ұйымға), аумақтық аудандық санитариялық-эпидемиологиялық бақылау басқармаларына жолдауды қамтамасыз етеді.